

描写清明节的古诗

1.
南北山头多墓田，清明祭扫各纷然。纸灰飞作白蝴蝶，泪血染成红杜鹃。
日落狐狸眠冢上，夜归儿女笑灯前。人生有酒须当醉，一滴何曾到九泉。
——高翥《清明日对酒》
2.
万点猩红将吐萼，嫣然迥出凡尘。移来古寺种朱门。明朝寒食了，又是一年春。
细干柔条才数尺，千寻起自微因。绿云蔽日树轮囷。成阴结子后，记取种花人。
——顾太清《临江仙·清明前一日种海棠》
3.
风风雨雨梨花，窄索帘栊，巧小窗纱。甚情绪灯前，客怀枕畔，心事天涯。
三千丈清愁鬓发，五十年春梦繁华。蓦见人家，杨柳分烟，扶上檐牙。
——乔吉《折桂令·客窗清明》
4.
佳节清明桃李笑，野田荒冢只生愁。雷惊天地龙蛇蛰，雨足郊原草木柔。
人乞祭余骄妾妇，士甘焚死不公侯。贤愚千载知谁是，满眼蓬蒿共一丘。
——黄庭坚《清明》
5.
清明时节雨声哗。潮拥渡头沙。翻被梨花冷看，人生苦恋天涯。燕帘莺户，
云窗雾阁，酒醒啼鸦。折得一枝杨柳，归来插向谁家。——张炎《朝中措·清明时节》
6.
朝作轻寒暮作阴，愁中不觉已春深。落花有泪因风雨，啼鸟无情自古今。
故国江山徒梦寐，中华人物又销沉。龙蛇四海归无所，寒食年年怆客

心。——屈大均《壬戌清明作》

7.
耕夫召募爱楼船，春草青青万顷田。试上吴门窥郡郭，清明几处有新烟。
。——张继《阆门即事》

8.
时霎清明，载花不过西园路。嫩阴绿树。正是春留处。燕子重来，往事东流去。征衫贮。旧寒一缕。泪湿风帘絮。——吴文英《点绛唇·时霎清明》

9.
梨花风起正清明，游子寻春半出城。日暮笙歌收拾去，万株杨柳属流莺。
。——吴惟信《苏堤清明即事》

10.
街头女儿双髻鸦，随蜂趁蝶学夭邪。东风也作清明节，开遍来禽一树花。
。——陈与义《清明二绝·其一》

11.
蚤是伤春梦雨天，可堪芳草更芊芊。内官初赐清明火，上相闲分白打钱。
。紫陌乱嘶红叱拨，绿杨高映画秋千。游人记得承平事，暗喜风光似昔年。
。——韦庄《长安清明》

12.
好风胧月清明夜，碧砌红轩刺史家。独绕回廊行复歇，遥听弦管暗看花。
。——白居易《清明夜》

13.
田家复近臣，行乐不违亲。霁日园林好，清明烟火新。以文常会友，唯德自成邻。
。池照窗阴晚，杯香药味春。檐前花覆地，竹外鸟窥人。何必桃源里，深居作隐沦。
。——祖咏《清明宴司勋刘郎中别业》

14.

无花无酒过清明，兴味萧然似野僧。昨日邻家乞新火，晓窗分与读书灯。
。——王禹偁《清明》

15.

芳原绿野恣行时，春入遥山碧四围。兴逐乱红穿柳巷，困临流水坐苔矶。
。莫辞盏酒十分劝，只恐风花一片飞。况是清明好天气，不妨游衍莫忘
归。——程颢《郊行即事》

16.

清明节，雨晴天，得意正当年。马骄泥软锦连乾，香袖半笼鞭。花色融
，人竟赏，尽是绣鞍朱鞅。日斜无计更留连，归路草和烟。——薛昭蕴
《喜迁莺·清明节》

17.

清明时节雨纷纷，路上行人欲断魂。借问酒家何处有？牧童遥指杏花村
。——杜牧《清明》

18.

清明上巳西湖好，满目繁华。争道谁家。绿柳朱轮走钿车。游人日暮相
将去，醒醉喧哗。路转堤斜。直到城头总是花。——欧阳修《采桑子·
清明上巳西湖好》

19.

暖日宜乘轿，春风堪信马。恰寒食有二百处秋千架。对人娇杏花，扑人
飞柳花，迎人笑桃花。来往画船边，招飏青旗挂。——白朴《庆东原·
暖日宜乘轿》

20.

新烟着柳禁垣斜，杏酪分香俗共夸。白下有山皆绕郭，清明无客不思家
。卞侯墓下迷芳草，卢女门前映落花。喜得故人同待诏，拟沽春酒醉京
华。——高启《清明呈馆中诸公》

21.

帝里重清明，人心自愁思。车声上路合，柳色东城翠。花落草齐生，莺

飞蝶双戏。空堂坐相忆，酌茗聊代醉。——孟浩然《清明即事》

22.

洒洒沾巾雨，披披侧帽风。花燃山色里，柳卧水声中。石马立当道，纸鸢鸣半空。墟间人散後，乌鸟正西东。——范成大《清明日狸渡道中》

23.

今日清明节，园林胜事偏。晴风吹柳絮，新火起厨烟。杜草开三径，文章忆二贤。几时能命驾，对酒落花前。——贾岛《清明日园林寄友人》

本文链接：<https://duanjuziku.com/duanjuzi/w4xsmvjchw.html>